

# TRIBUNAL DI KRISTO

## Lès 5

Hende ta wak e parti eksterior di hende, por ehèmpel nan aparensia, puesto, karakter, èts. Ma en kontraste, Beibel ta bisa ku Dios ta wak kurason, aktitut, motivashon di hende. Si bo ke agradá Dios, bo tin ku kita bo bista for di bo parti eksterior so i paga bon tino na loke ta spiritual, loke tin balor eterno.

Un manera importante pa desaroyá e perspektiva aki ta dor di pensa tokante e echu solemne ku tur hende tin ku duna kuenta na nan Kreador. Diferente huzgamentu lo tuma lugá, ma nos lo konsentrá prinsipalmente riba ún.

### E ECHU DI HUZGAMENTU

No tin duda ku kada persona—ku a biba, ta na bida aworaki, òf ku lo biba—lo wòrdu huzgá pa Dios.

1. Hebreonan 9:27 ta mensioná loke ta sosodé normal. Hende ta “...*muri un biaha so i despues di esaki ta bin \_\_\_\_\_*”
2. Kiko presis Dios lo huzga, segun Eklesiastes 12:14? \_\_\_\_\_

---

Tin nada ku bo por skonde pa Dios!

### E GRAN TRONO BLANKU

Beibel ta mensioná dos huzgamentu ku lo tuma lugá. Esun dilanti e Gran Trono Blanku ta spliká den Revelashon 20:11-15. Kontestá e siguiente preguntanan usando e teksto aki.

1. Ken lo wòrdu huzgá aki (20:12-13)? \_\_\_\_\_

2. For di kua buki eksakto nan a ser huzgá (20:12,15)? \_\_\_\_\_

E buki aki ta kontené nòmber di tur hende ku a konfia Kristo pa haña bida eterno.

3. Na unda tur hende ku nan nòmber no tabata skirbí den e buki di bida mester a bai finalmente (20:15)?

---

## TRIBUNAL DI KRISTO

1. Lesa Kolosensenan 2:13. Kuantu piká di e kreyente Dios a pordoná?

- 
2. Kiko ta Dios Su sentensia pa ku esun ku a konfia Kristo pa su salbashon, segun Romanonan 8:1

---

Apesar di esei, kada persona ku a aseptá Dios Su pordon pa medio di Kristo tòg lo mester presentá dilanti e tribunal di Kristo (Romanonan 14:10-12; 2 Korintionan 5:10). E huzgamentu aki—en kontraste di e Gran Trono Blanku—no ta regardá bo salbashon. Aki bo obranan i sirbimentu di Dios ku lo ser huzgá. Lesa 1 Korintionan 3:11-15 i kontestá e siguiente preguntanan.

3. Kiko (Ken) ta e fundeshi (3:11)? \_\_\_\_\_  
E fundeshi t'ei kaba. Pues, no ta trata di un persona ku no ta salbá. Tambe 3:15 ta komprobá e pensamentu ei, pasobra maske “*su trabou kima*” i “*e lo sufri pièrdè*” tòg “*e mes lo ta* \_\_\_\_\_”.

4. Segun 3:13 “*Lo sali na kla* \_\_\_\_\_”.

Ta parse ku Dios lo no huzga solamente a base di kantidat di trabou hasí p'E. E ta mas interesá den e kalidat di trabou. Pues, Dios lo asta evaluá bo motivashon pa bo trabou.

## **KONSEKUENSIANAN NEGATIVO DI TRIBUNAL DI KRISTO**

Maske tin rekompensanan na tribunal di Kristo (ku nos lo mira djis aki) diferente teksto ta duna indikashon ku tambe lo tin konsekuensia negativo. (E persona ku a konfia Kristo pa salbashon lo no bai fièrnu, ma por tin otro konsekuensia serio.) Lesa e siguiente tekstonan anto skirbi kiko esakinan ta:

1. 1 Korintionan 3:15 “...e lo *sufri* \_\_\_\_\_”  
Probabelmente esaki ta e resultado pasobra nan trabou tabatin balor temporal so, no eterno.
2. Segun 1 Juan 2:28, tin hende ku lo “*keda* \_\_\_\_\_  
*Su dilanti na Su binida*”. Maske e teksto aki no ta papia presis tokante e tribunal di Kristo, e ta laga sa reakshon ku algun hende lo tin den presensia di Dios.

Kasi sigur lo tin sorpresanan grandi ora Dios ta huzga. Debí ku nos ta wak asina tantu riba e parti eksterior di hende i hopi bes no sa motivashon di un persona, nos ta huzga robes. Sin duda lo tin hende ku ta **parse** di ta sirbidónan fiel, ku Dios Su huisio lo demonstrá ku nan no ta. Di otro banda tin hende ku ta sirbi Señor fiel na un manera ketu i ku motivashon puru. Dios sa esei i lo rekompensá.

## **REKOMPENSANAN**

Den era ku Tèstament Nobo a wòrdu skirbí, atletanan viktorioso a wòrdu koroná ku un krans trahá di takinan. 1 Korintionan 9:25 ta laga sa ku nos tambe por haña korona, ma e lo ta un korona duradero. E siguiente tekstonan ta lista diferente korona:

1. 2 Timoteo 4:8 “*korona di* \_\_\_\_\_”

Esaki ta un korona ku tur esnan ku ta stima Kristo Su binida lo risibí.

2. Revelashon 2:10 “*korona di \_\_\_\_\_*”  
Ta parse ku esaki ta un korona ku martirnan lo haña.
3. 1 Tesalonisensenan 2:19 “*korona di \_\_\_\_\_*”  
Kisas esaki ta korona pa esnan ku a gana almanan na Kristo.

Kiko bo ta kere bo lo hasi ku bo korona? Probabelmente nos tur lo hasi meskos ku e 24 ansiano den Revelashon 4:10. Kiko nan a hasi ku nan koronanan?

## APLIKASHON

Si bo di bèrdat ta biba konsiente ku un dia bo mester duna kuenta na bo Kreador, lo bo biba kada dia prepará, pasobra awe por ta bo último dia riba mundu. En bista di esaki, hasi bo mes e siguiente preguntanan personal:

- Ki sorto di rekompensa bo ta kere bo lo haña?
- Ki konsekuensia negativo lo bo eksperensiá?
- Kiko lo bo ke kambia pa prepará pa e dia ku bo ta para dilanti tribunal di Kristo?

## TAREA PA KAS

1. Siña 2 Korintionan 5:10 fo'i kabes.
2. Konta un persona kiko Kristo a hasi pa bo.
3. Sigui fiel ku bo tempu ku Dios tur dia.